


Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.516/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.516/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.516/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL 1.6.516/a



F L O R E S  
MEDICINÆ PRACTICÆ.

Quorum veritatem tueri conabitur

IOANNES FRIDERICVS KHERN.

AA. LL. & Philosophiæ Magister,

IN AEDIBVS PATINIANIS.

*Mense Julio Die XXIX. Hora XXI.*

S U B

A V S P I C I I S S T Y R I A C I S .



P A T A V I I . M . D C . L X X X V I I .

Ex Typographia Seminarii. *Superiorum permissu.*

60

356  
CELSISSIMIS, REVERENDISSIMIS,  
EXCELLENTISSIMIS, ILLUSTRISSIMIS,  
GENEROSISSIMIS, ET NOBILIBVS  
INCLYTI DVCATVS STYRIÆ STATIBVS  
D. D. PATRONIS SUIS COLENDISSIMIS. ETC.

IOANNES FRIDERICVS KHERN,  
STYRVVS GRÆCENSIS.



*Q*Uæ hæcenus inter continuos ingenio-  
rum labores in tenebris delituerat Me-  
dicina mea, ea nunc publicam aspe-  
ctura lucem, Vestrum gestit subire  
aspectum, vestrisque ad-vol-vi pedi-  
bus, Celsissimi, Reverendissimi &  
Illustrissimi Ducatus Styriæ Proceres, Patres Patriæ,  
Patroni gratiosissimi. Nec vano ad id inducta argu-  
mento: Enim verò hæc, priusquam me doctoratu ho-  
noret decertare cupida, eorum sub patrocínio se retur-  
tutissimam, quo Styriæ status permansit securus: Vestra  
enim virtute factum est, ut, dum Thracicus hostis,  
imma-



*immani furentis Martis dextera, in circumjacentibus vestris terris depopularetur oppida, incenderet pagos, diriperet urbes, campos cadaueribus fœdaret, in omnes furiosè sæviret, vestra inquam virtute factum est, ut inconcussa Styriæ salus sit conservata, laudes vestras æternum decantatura. Hoc quidem Medicina mea in remotis etiam plagis ab occidente Fama proclamari audiuit; quid mirum inde, si & illa periculosa in arenam descensura, felicem sui laboris quaerens exitum, non immemor, vestra sub protectione, trium annorum laboribus fatigatam philosophiam meam prospera disceptatione terminatam; quid mirum, inquam, si eadem lætetur spe, & optatam metam à vestro favore ambiat. Non aliter, quàm cum procellis jactata navis, si cui debet portui incolumitatem, iterumque turbinibus tempestatibusque comissa, ad salutiferum eundem portum se recipere conatur.*

*Ita medicinalis hic labor meus, ad coronidem properans, vestris supplex advolvitur pedibus, ut illis, exigua quidem, sed quæ potest, gratitudinis suæ rudimenta deferat, quibus se totum asserere debuit. Suscipite igitur has Medicinæ meæ Theses, Celsissimi, Reverendissimi, & Illustrissimi, Styriæ Conservatores, & absentem me præsentì vestro numine foveatis, cujus potentia eruditos oppugnantium impetus retundere, & sacræ artis dogmata fortiter vindicare queam. Suscipite illas, quas, nisi vobis, offerri permittunt tot accepta beneficia nullo tempore oblitteranda. Sed quid vos ultro morarer, Patroni gratiosissimi, cum in cele-*

A 2

berri-

berrimo Patavino Lyceo , studiis theoreticis primum  
 me dedissem , ad nobilissimam , difficillimam , & utilis-  
 simam Aselepiadeæ artis partem hilari pede me contu-  
 li , hortante , imò & manu ducente Equite Carolo Pa-  
 tino , Doctore Medico Parisiensi , primario Practicæ  
 extr. Professore , viro verè φιλογεγµάνῳ , cujus consi-  
 lio & opera , praxim ad medicinæ Principum mentes ,  
 publicè defendere constitui . Pudor mihi foret maximum  
 ni iis , quæ tam honorificè Majores mei calcarunt ve-  
 stigia , insisterem , & decimum tertium Vestri medici  
 locum ex mea exigua familia , non pænitendis laboribus  
 & tota industria , aut non ambirem , aut non assequerem :  
 Feliciter sanè succedet , si meos conatus probaveritis ,  
 ut opto & spero . Sic Deum O. M. precor , ut illis non  
 indigeatis , sed vos publicæ salutis , mihiq; eternum  
 ferret .



F L O-



# F L O R E S

## M E D I C I N A E P R A C T I C A E .

### I . D E P R A X I .



Raxis seu methodus medendi, secretum secretorum secretissimum, est opus Medici, sanos præservando, ægrosque restituendo. Utrumque probè fieri nequit absque cognitione τῆς ἰδίου καὶ πάσης, & indicationibus. Pars affecta, morbi causa, morbi species primum investigentur: illis deinde accomodentur remedia. Partem affectam indicant situs, actio læsa, dolor, excreta & retenta. Sit ne pars an per se an per consensum affecta, maximè observandum. Compatitur pars altera alteri, tribus modis, vicinia, ut uterus vesicæ, pulmo cordi, hepar folliculæ: Operis societate, ut mammæ utero; cerebrum, nervosis partibus: communione vasorum, ut ventriculus, intestinis; labium inferius, ventriculo. Morbi causam prius dignoscat Medicus, quàm sanare tentet. An externa, an interna? An ut posterioris morbi causa, sic prioris sit affectus? An dolor eam concomitetur? Qualis ille sit? Punctorius, humorem acrem denotat; tensivus cum gravitate plenitudinem; idem cum levitate, flatum. Morbi speciem constituunt intemperies, læsum organum, aut utrumque. Ex symptomatibus illa dignoscitur. Veterinus intemperiem frigidam & humidam ostendit; vigilia, calidam & siccam. Si tussiendo excretus sit multus sanguis, phthisis conjicitur: Dejectiones loturæ carniū similes, hepatis imbecillitatem arguunt; genæ rubræ, peripneumoniam. Ut nihil Medico gloriosius est quàm futura prævidere & eventum morbi prædicere, sic nihil aut fallacius aut periculosius.

### II. DE VSV REMEDIORVM MORBIS OPPONENDORVM A CONTRARIO.

**P**rofigando morbo inveniatur remedium, invento prudenter utendum est. Morbos omnes similibus sanari, insanè docet Paracelsus. Extremis morbis extrema remedia opponenda sunt. Repletionis morbi, evacuatione sanentur; laboris, quiete. Curentur per contraria causæ quæ morbos committunt. Intemperies ad

A 3 natu-

460

naturalem statum reducat; Si nuda sit, apponendo calida frigidis, humida siccis: Si materia corrupta fuerit, illicò vacuetur; si cruda coquatur; si crassa, incidatur; si tenuis, incrassetur; si lenta, detergetur; si pestilens ac venenata, alexiteriis materia retundetur. Occultæ facultates ineptæ aut fraudulentæ habeantur. Humores sinceros vix unquam peccare axioma sit; Sed eos cæteris impactos ab una præcipuè qualitate vitium contraxisse. Inter morbos organicos magnitudo & numerus simili modo curentur, ut caro supercrescens exedentibus, cauterio vel scalpello minuenda: Vulneris aut ulceris cavitas, sarcoticis & alimentis augenda. Pars superflua ut sextus digitus, si actioni incommodet, abscindatur. Quæ ad usum necessaria sunt, refarciantur; ut callus pro deperdito osse, cicatrix pro cute substituatur. Pro vero dente, eburneus collocetur, tum ad vocis articulationem, tum ad decorem. Herniis & illud convenit, Contraria contrariis curari, *τὰ νάρτια ἢ νάρτιον ἐστὶν ἰσχυρά*. Nam si intestinum aut omentum in scrotum exciderit, dilatato aut rupto peritonæo, reponendum est; deinde adstringentibus atque subligaculo continendum. Meatus angustiores dilatentur, latiores adstringantur. Calculus urinæ meatum obstruens, incisione facta in perinæo extrahatur. solutio continui methodicè uniatur.

### III. DE TEMPORE EXHIBENDORVM REMEDIORVM,

**O**portunitas anima curationis censeatur; est quippe domina rerum agendarum; Ptiſana ægris convenit; intempestivè exhibita, est exitialis. In paroxifmo nutrire non oportet, multò minùs purgare. Critico die quiescendum, ne interturbata natura suo officio fungi non possit. Tum etiam in *ἢ κατὰ πλῆθυν* profluvio. In morborum principio & incremento cruda sunt omnia; status periculosus est; ergo in declinatione sola purgare licet, at lautius nutrire. Mediæ ætate ac hyeme, à venæ sectione & pharmaco abstinendum, nisi urgeat necessitas. Vere & autumnò, licet iis securiùs uti. Crescente ac plena Luna, præstat sanguinem mittere, decrescente aut silente, purgare. Venæsectio potius interdiu celebretur, purgatio noctu, si penes Medicum stet electio. In acutis porrò has cautiones observare foret ridiculum; prius enim ager sæpè vitam finierit quàm cælum suspectam conjunctionem mutaverit. Clysteres & topica, vix ullum desiderant determinatum tempus; salubriùs porro est id quod somno succedit.

### IV. DE



## IV. DE QUANTITATE ET VSV REMEDIORVM.

**N**on omni homini æqualiter mittendus est sanguis, seni minus quàm iuveni, meridionali quàm boreali, pituitoso quàm sanguineo. Aperiantur venæ cum delectu, inquiunt; cephalica partibus animalibus medetur, basilica naturalibus, media utrisque: Saphena mulieribus aut capite dolentibus. Circulatio sanguinis, qua nil certiùs, hanc opinionem destruit. Affectæ partis latus præcipuè evacuetur: Galenus sæpè sex sanguinis libras detraxit, ad deliquium animi: Recentiores iterant opus, si novem uncia non suffecerint. In exhibendis medicamentis maxima cautione opus est; alias quippe, & si Θεῶν χεῖρες, sæpè ducunt ad tartara. Mulieribus ut ut mollioribus, quàm viris, minor dosis convenit, infuetis quàm assuetis: Regulam illis imponat Medicus, ex circumstantiis Socrati convenientibus, non homini. Iuveni viro hæc sit aliquot medicamentorum dosis, Rhabarbarum in substantia ad scrup. 2. infusum ad dracm. 1. sem. Cassia ad unc. 1. Manna, Tamarindi ad unc. 2. Aloe in substantia ad dracm. 1. sem. infusa ad dracm. 3. Scammonium a gran. iv. ad gran. viii. Syrupus de rosis solutivus, de floribus mali perficæ, Diaprunum simplex ad unc. 1. Senna Orientalis in substantia ad dracm. 1. infusa ad dracm. 3. Mechoacan, Agaricus ad dracm. 2. Jalap, ad dracm. sem. Medicamenta in medio alimentorum & venenorum reponenda sunt: Sunt vel alterantia, vel purgantia. Assumuntur syrupi, apozemata, emulsiones, potus, forma liquida, sicca verò pulveres, pilulæ, trochisci, tabellæ, conservæ. Injiciuntur clysteres, in alvum, vesicam, uterum, aures. Induntur pessi in uterum, balani in anum. Admoventur olea, unguenta, linimenta, cataplasmata, sæculi, balnea.

## V. DE REMEDIIS CHIRVAGICIS.

**M**edicinæ pars quæ manu curat chirurgia dicitur; omnium antiquissima. Incisionibus & adustionibus præcipuè perficitur. Vanitatis inde accusandi, qui hanc ut scientiam jactant. Continuum illa solvit, aut divisum conjungit, aut superfluum amputat. Primum incidendo, excidendo, venam secando, scarificando: Deinde vulnera agglutinando, luxata reponendo, fracturas curando: Tandem tumores præternaturam auferendo, ut carcinomata, scirrhus, nodos, strumas, &c.: Quæ omnia eò salubriùs perficientur, quò celerius, tutius & citra dolorem. Fraus in omnibus præcaveatur. Infanabiles morbi, cujusmodi sunt occulti caneri, elephantiasis, callosa ulcera, ne curari tententur. Sint in promptu hæc unguenta; basilicum, ad maturandum; apostolorum, ad detergendum;

A 4

au-

63

aureum, ad implendum; album, ad glutinandum; dialthæa, ad dolorem sedandum; Generalium instrumentorum usus optime dignoscatur: ad incidendum, forfices, novacula, scalpellum, lancetta, ferra; Ad extrahendum, forcipes, seu tenaculæ, vulsellæ seu pinnettæ, hamus recurvus, uncus seu uncinus. Ad explorandum, specillum & chatheter. Ad suendum acus & cannulæ! Ad urendum, cauteria, quæ vel potentialia vel actualia sunt; hæcque pro ratione partis urendæ, myrtea, olivaria, cultellaria, aut conica. Particularia peritiam singularem desiderant, trepanum, falx, speculum oris, matricis. Quæ medicamentum non sanat, sanat ferrum; quæ non ferrum, ignis; quæ non ignis, nihil. Celeberrimum opus & ἡγεμονικόν est venæ sectio, deinde scarificatio, demum cucurbitulæ. Illa præcipuè medetur viscerum inflammationibus, apoplexiæ, phrenetidi, morbo sacro, vertigini, opthalmiæ, anginæ, pleuritidi, peripneumoniæ, arthritidi, melancholiæ, furori uterino, suppresso muliebri profluvio, hæmorrhoidibus, omnibusque acutis doloribus. Salvatellæ, aut venæ linguæ sectio, atque minorum vasorum, vix prodest.

## VI. DE REMEDIIS PHARMACEVTICIS.

**P**harmacix, medicinæ alterius ministræ, objectum est quidquid hominem alterat & immutat, hoc est medicamentum. Simplex, sincerum est, compositum quod plura artificiosè continet; hæc inde prioribus suspectiora, præcipuè validioribus constantia, ut Laudanum opio, & quod unius vires ab altero corrumpantur. Innocens nullum est, cum calorem nativum frangere perpetuò conetur: Efficaciora pejus præstant. Hæc tamen necessaria; ut enim plethoræ, venæ sectio medetur. sic cacochymiæ, aut vomitus, aut clyster, aut purgatio convenit. Vomitoria omnia suspecta sint, naturæ quippe cursum interturbant, caput replent; Clyster saluberrimum est remedium, purgatio inter utrumque collocanda. Μοχλικά ut sibiū, nonnisi rarissimè usurpanda, imò nunquam: Vel remota ἐμετική violentia, ac veneni suspicione, corpus enim nimis fortiter concutiunt, à quo mors frequenter obrepit. Sudorifica sanguinem colliquando vitæ principia minuunt. Divretica non temerè præscribenda sunt, calefaciunt quippe exsiccant & inflammant. Syrupos coctionem humorum juvare, perperam dicitur; solius caloris nativi id beneficium est atque opus: Reclamat Celsus, artis majestati potius quàm veritati inhærens. Προπόματα ceu dulces potiones laudant Veteres, Zulapia Arabes, eadem mente. Benedicta ea nuncupatur quorum pars com modè in alimoniam abit, ut pruna, Tamarindi, Cassia, Manna. Pur gatio est excretio humoris peccantis, ceu à medicamentorum.

vi



vi humores attenuente, ceu ab irritamento, seu à substantiæ proprietate. Calor, perpetuus purgantium comes, actionem promovet. Ventriculi tonum sæpè destruunt; hinc cautè præscribenda debilibus visceribus. Præstant quæ electivè purgant, at ea sunt paucissima. Quæ sæpè probata sunt, salubriora censcantur, *exotica* minus.

## VII. DE CLYSTERE.

**O**mnis liquor in cavitatem injectus clyster solet nuncupari. Vulgo is est qui per anum receptus, rectum atque superiora intestina ad dejectionem sollicitat, primam regionem expurgat, & lentinam exhaurit. A cavis hepatis trahit per portam, a liene per ramum Splenicum. Revellit a partibus superioribus. Sit ergo remedium generale, ante & post purgationem salubriter usurpandum. Hujus exemplum sit: *R.* hydromelitis lib. i. ad detergendum. *R.* lactis aut decocti chamæmilini lib. i. ad dolorem placandum. Ad datur unc. i. mellis aut communis aut violacei aut mercurialis, erit valde detergens: Sacchari rubri unc. i. aut salis dracm. i. irritabit excreticem: Olei unc. 3. lubricabunt. Electuarii diaphænici unc. i. purgabit, & validius attrahet. Omnia commodè præstaret hæc clysteris formula. *R.* Decocti emoll. lib. i. dissolu. mellis & sacchari rubri an. unc. i. Elect. cathol. unc. i. S. olei unc. iiii. ff. clyster tepidè ac molliter injiciendus. Adstringens hic erit: *R.* Centinodiæ, Plantaginis, thapsi barbati, an. m. i. ff. decoctio, in colaturæ lib. i. dissolu. syrupi myrthini vel Cydoniorum unc. 3. ff. clyster. Augeatur quantitas si virtus sopita sit, ut in apoplexia, caro, & in nephritide. Minuatur in ulcere intestinorum, hydrope, lico dolore &c. Colici, proni contineant clysterem, nephritici, verò supini: Illis injiciatur quantum perferri poterit calidior, nephriticis ad summum tepidus. Vanum est clysteres pro alimonia esse.

## VIII. DE PONDERIBVS, NOTIS, ALIQVOTQVE SIMPLICIVM NVNCVPATIONIBVS.

**G**ranum unum gran. est cæterum ponderum basis, ut unitas numerorum. Obolus scrup. pendit gran. X. Scrupulum scrup. grana XX. Drachma dracm. i. grana LX. Uncia unc. i. drachmas VIII. Libra lib. i. uncias XII. Manipulus M. dicitur quantum manu arripi potest. Pugillus P. quantum tribus digitis comprehenditur. Ana æqualem cujusque memoratæ rei portionem significat. q. s. quantum satis, vel quantum sufficit.

Coma-

Communes hæ sint aliquot simplicium nuncupationes. 4. herbæ emollientes; Althæa, Malva, Parietaria, Violaria. 5. herbæ capillares; Capillus veneris, Scolopendrium, Polytricum, Ruta muraria, lingua cervina. 5. Radices aperientes, Apii, Asparagi, Fœniculi, Petroselinum, Rusci. 3. Flores cordiales; Borraginis, Buglossi, Violarum. 3. flores calidi; Anethi, Chamæmeli, Meliloti; 4. semina calida majora; Anisi, Carvi, Cumini, Fœniculi. 4. semina calida minora, Ammi, Amomi, Apii, Dauci. 4. semina frigida majora, Citruli, Cucumeris, Cucurbitæ, Melonum. 4. semina frigida minora, Cichorii, Endiviæ, Lactucæ, Portulacæ.

### IX. DE FEBRE EPHEMERA.

**N**Ullum. esse magnum morbum absque febre certum est, dicant quid velint de apoplexia, tetano, & cholera morbo, certius nullum mori ἀπὸ πύρου. Frigidam aliquam vanum sit cogitare, cum omnis essentia sua sit incendium, illudque universale, sive solos spiritus sive etiam humores, aut partes solidas infestet. Symptomaticæ à morbo suo pendent, confusæ prudenter dignoscendæ, raro molestantes hic omittendæ.

Ephamera omnis à causa externa oritur, & primo die extinguitur ob subjecti tenuitatem, nec nisi accensis humoribus diutius durat. Vix ideo indiget Medico, ob brevitatem. Judicatur ex urina statim concocta. Curatur refrigerante diætâ, jusculis, citrio malo, syrupo violaceo, clysteribus, balneo, atque venæsectione, si contumacior fuerit. Procul sit vinum & quodcunque calefaciens, morbi quippe causæ opitularentur. Terminatur madore aut sudore, qui statim abstergerendi sunt, ne serpat febris putrida. Quamvis sinceræ ephemeræ non requirantur purgantia, purgandi tamen ægri post febrem, ad declinandum periculum. Probatur hæc formula: ℞. Decoct. refriger. ut endiv. violar. borrag. unc. v. infund. fol. Orient. Sennæ dracm. 2. Rhei. dracm. sem. in colat. dissol. electuar. cathol. unc. 1. ff. potio sumenda summo mane, jejuno ventriculo, ægerque superdormiat.

### X. DE SYNOCHO.

**C**ommunissima febrium quæ in humoris vitio positæ sunt, est synochus, orta à sanguine inter alas & inguina fervente, ac ideo continua & periculosa. Inflammatio sola simplicem facit: quarto die finiendam: Putredo pro varietate & gradu, innumeras ejus species efficit. Illam difficilis respiratio, genarum rubor, & capitis præcipue dolor patefaciunt, cum pulsu pleno & veloci: Hanc præterea corporis jactatio, hypochondriorum distentio, som-  
nus



nus veternosus, primùm indicant; deinde vomitus, diarrhæa, urinæ fœtidæ profluvium, aut ejusdem supressio, sudor insolens, κατὰ πλῆθος aut αἰμορροϊδῶν retentio. Vocatus Medicus statim clysterem blandum injici curet, quem data occasione iterabit, ut post bidduum, si pigra sit alvus, Basilica dextra tundatur: deinde sinistra, Quibus non erit parcendum quamdiu constabit morbi causa, viribus id ferentibus, & premente plethora, morbi fomite perpetuo. Quidam ad animi deliquium sanguinem educunt, præstat multoties quàm multum: Victus attenuans præscribatur, solida arceantur, carnes, ova, sanguinis massam nimis adaugentia, lac & vinum præcipuè. Juscula ex bonis carnibus parentur, bubula, vitulina, gallinacea: temperentur lactucâ, portulacâ, cichorio, buglosso, boragine, cerefolio. Aqua cocta cum hordeo, gramine etiam cum aceto, sit pro potu: Glycyrrhiza debiliori pectori apta est & Jububæ. Syrupi exhibeantur putredini oppositi, ut de acetositate citri, de limonibus, de granatis, cum aquis rosarum, endiviæ, graminis. Licet etiam imminuta febre sanguinem detrahare ob recidivæ motum. Tardius purgandum est, scilicet post manifestam morbi declinationem. Commodè id fiet Senna, Rheo, Cassia, Tamarindis, electuario Catholico, Diaprunis, Diaphenico, syrupo de rosis solutivo, de floribus mali persicæ, &c.

## XI. DE CAVSO.

**F**ebbris ardens seu causus inter continuas censeatur, quamvis tertio die acerbior recurat. Ideo cum tertiana ἐμμενής est, & quod utriusque causa sit bilis multa & quasi sincera. Signa παθογαμόνικα sunt calor deurens & sitis inextinguibilis: Συναδρόντα verò, lingua sicca, nigra & aspera, spiratio difficilis, vehemens præcordiorum æstus, ventris dolor mordax, dejectio liquida & pallida, ἄλσιμος, delirium, quæ omnia, ardentissimi caloris sunt effectus. Quod magna occupet vasa, à quibus brevi substantiam cordis pervadit, sanatu difficillimam tradunt Veteres. Cui quia extremus morbus est, extremum remedium subito opponatur, scilicet venesectio multoties repetita, quæ fervidum imò bullientem sanguinem evacuat, sicque partem affectam liberat. Vomitoria in totum arcenda. Cucurbitulæ, vesicantia, emplastra refrigerantia, salvatellæ sectio, levioris armaturæ præsidia sunt, & pro nihilo habenda, Purgantia quælibet, si unquam, valde periculosa in augmento aut rigore; quin & in declinatione, non urgent. Tenuissimus victus concedatur, aqua hordei, panis in aqua decoctus aut aceto madefactus, lactuca, anguria: subducantur diligenter acrida, salsa. Concilietur somnus, sed solis somniferis, necarent quippe soporifera, caloremque nativum obruerent. Clysteres alternis diebus alvum refrigerent.

## XII. DE

65

## XII. DE FEBRE QVARTANA.

**F**Ebris a succi melancolici pravitate orta, Quertana est, quarto quoque die recurrens. Si tertio, duplex quartana, si unoquoque die commoveatur, triplex Quartana nuncupatur. Falsum est nunquam iterum Quartana corripì, qui semel evasit, eamque à magnis morbis liberare, atque securam esse febrem. Tremor & stridor dentium paroxismos incipiunt, comitatur dolor profundus à terrestri humore qui ad cutem trudi non potest. Hinc etiam sudor paucus, urina tenuis & aquosa, dejectiones siccae. Humore ad atram bile vergente, pejora sunt symptomata, ideo periculosior morbus. Dieta èd utilior est quò gravius affligitur melancholicus, frequens Medicorum crux & opprobrium. Vinum non continuo denegandum, ratione habita febris & humoris. Abstinendum est in principio à refrigerantibus & humectantibus: in fine evacuationis, è contrario. Præter indicationes à plethora sumendas, Melancholici minuendi sunt sanguine, at minori quantitate. A dextris, si ab hepate; à sinistris si à liene morbus oriatur. Hirudines ano applicentur, educunt fæcem sanguinis, neque vires debilitant, & naturam ad inferiora evocant. Oxymel peccantes humores preparat. Syrupi de Bugloſſo, de Boragine, de Fumaria, incidunt & attenuant: Quibus præmissis purgare expedit. Clyſterum usus frequens fit, validiorum in progressu. Vomitu quidem exoneratur ventriculus, non tamen acriter permovendus. Ante cibum instituatur, si natura èd vergat, mulſa, succo raphani, aſari, pennis oleo imbutis fauces irritantibus. A sudoribus leve speretur auxilium, majus ab alvi dejectionibus. Provocentur hæc in fine paroxismi, infusa Senna, Rheo; dissolutis eleſtuariis Diaprunis, Diaphenico, ſyrupo de roſis ſolutivo. Diaſennę magiſterii dracm. x. validius purgant, ut Mechoacam, Jalapium, quibus ideo nonniſi rarò utendum. Chinam ſeu corticem Peruvianum commendant plurimi ex eventu, prius tamen univerſalibus remediis incumbendum. Amuletis fidunt ignari aut impoſtores: aliis nugis, mulierculæ. In diuturnioribus Quartanis, admoveantur ventriculi & hepatis & lienis regioni, oleum Nardinum, Maſtichinum, de nuce moſcata. Quintanas, ſextanas, ſeptimanas, nonanas, ſe viſiſſe negat Galenus.

## XIII. DE CAPITIS DOLORE.

**H**emicraniam à cephalalgia diſtingunt, quod hæc totum affligat caput, illa partem tantum dimidiam. Vt ab iſſdem cauſis proveniunt, ſic eadem admittunt remedia. Ictuſ, ebrietas, frigus, odor



odor gravis, insolatus, præcipue sunt externæ causæ. Internæ, humor aut vapor, interdum utrumque, gravans, vel distendens, vel erodens; hinc dolorum differentiæ. Vanum quippe sit nudam intemperiem accusare, seu sine materia. Omnibus, sanguinis missio convenit, at præcipue gravioribus; interdum ad syncopem imperanda. Secunda est aliquando vena in fronte & in naribus; quin & arteria post aures, si acutissimus sit dolor, & à sanguine biliolo in ea contento judicetur, id tamen non temerè neque absque Medici emeriti consilio. Afigantur ano hirudines. Admoveantur concubitulæ cum scarificatione, cruribus, coxis, scapulis, & maximè inter primam & secundam vertebra. Frictiones pedum leviter juvant. Revulsiones omni arte parentur. Valet ad repercussionem oleum camæmelinum, potentiùs rosatum. Errhina à multis commendantur, & succus Betæ & Ciclamini, pulvis Nasturtii, Castorei, Piperis, Euphorbii, Nicotianæ. Vomitus vitandus est, nisi capitis dolor à ventriculi saburra oriatur. Dejectiones sunt promovendæ, clysteribus primùm, ac deinde potionibus, tum superiores tum inferiores partes purgantibus. Scammonio ipso, nisi mitiora successerint utendum. Narcotica, & si ab impatientibus ægrotantibus postulata, suspecta sint, somnifera ut syrupus de papavere, diacodium, primò concedantur, à quibus Requies Nicolai & Philonium in usum revocari possunt. Ita consulatur capitis restitutioni, ut toti corpori detrimentum non fiat.

#### XIV. DE PHRENITIDE.

**P**hrenitis olim censebatur membranarum cerebrum involventium inflammatio: Recentiores præter membranas ipsam cerebri substantiam affectam esse rectè arbitrantur, à sanguine fervidiori & bile quasi sincera, putrescente. Hæc si usta fuerit, facit maniam, seu phrenitidem efferatam: Non usta verò, febrem urentem atque phrenitidem vehementiorem, argutè dictam *ἐρυσιπέλας* cerebri. Interdum morbus est, interdum symptoma. Affectis aliquando deest imaginatio, ut Theophilo medico arbitranti perpetuò adesse tibicines: Aliquando ratio, ut projicienti per fenestram vasa: Aliquando memoria, ut Hermogeni Rhetori proprii nominis oblito. Nunquam porro memoria leditur quin primùm læsa fuerat ratio. An illa varietas à diversitate locorum affectorum? ita censent Arabes, Græcis, Latinisque non constat. Phrenitidis signum certum sit, delirium cum febre, ut melancholiæ, delirium *ἀπύρετον*. Morte terminatur per convulsionem, syncopem, strangulationem, lethargum, & hæticam: Sanatur fluxione sanguinis per nares aut hæmorrhoidalem venam, sudoris copiosi, urinæ, & dejectionum. Quæ postrema ut naturæ impetum sic Medici officium indicant.

Repu-



Repugnantibus C. Celso, Aureliano aliisque, venam audacter secemus, cephalicam, basilicam, frontalem, imò & saphænam. Applicandæ sunt fronti hirudines, scarificatio occipiti affigenda, lingue vena interdum tundenda. Naturales fluxiones iuvandæ, etiam acriter sollicitandæ sunt. Victus ratio refrigerans & humectans esse debet. Vinum plane inhibendum.

## XV. DE EPILEPSIA.

**A**πὸ τῆ ἐπιλαμψάνης quòd sensum atque motum inopinato apprehendat, dicta est Epilepsia, deterrimum genus morbi, ob magnitudinem, sacri & Herculei nomen habet; præterea caduci, comitialis, lunatici, puerilis, Sancti Ioannis, varias ob causas. Est convulsio non perpetua cum principum actionum abolitione, seu in iussa universi corporis convulsio cum læsione sensuum & mentis, affectis cerebri sinutus anticis & posticis, ipsoque spinalis medullæ initio. Signa παθογενέματα sunt spuma oris, & casus in terram: Æger convellitur, stertit, clamare non potest, jactat brachia, cruraque: ἐμπαινόβρα, stercoris, urinæ & genituræ exitus. Imminetia, gravitas capitis, sonitus aurium, scitillæ ante oculos observantes, insomnia turbulenta, indigestiones, priapismus, pollutiones. Mirabilis affectus causam dicunt frigidum & crassum humorem, ventriculos cerebri obstruentem, interdum irritantem interdum solos vapores, præsertim melancholicos & acidos: A quo melancholici facile evadunt epileptici. Biliosi epilepsia non tentantur. Morbus est aut ἰδιοπαθής aut συμπαθής: Hic sanabilior illo est, & quibus ante pubertatem accidit. Si symptomaticus fuerit, curanda veniet pars mittens, ventriculus, uterus, hypochondria, &c. Si idiopathicus, ei vix debetur venæ sectio, præter plethoram: non enim hæc epilepsiæ sed epileptico plerumque debetur. Ex cephalica educatur sanguis etiam è saphæna, Cauterium admitti poterit occipiti & brachio sinistro. Revulsio ex ligaturis, frictionibus, & cucurbitulis, non satis valida est. Suffumigia ex pice, styrace ruta, in aceto macerata, parum præstant. Acetum stilliticum cum pulvere cyclaminis, & assæ foetidæ, castorei, & colocynthidis, pro nasariis usurpentur. Oleum caryophyllorum & cinnamomi, aquæ vitæ immixtum, auribus instillatur. Humores attenuentur, incidantur, & detergeantur decoctis rad. pæoniæ, flocados, rutæ, hyssoppi, betonice, oxymelle simplici vel scillitico, syrupo de betonica. Purgentur senna, agarico, electuario diaphœnico, hiera composita, helleboro nigro. Absint aquæ thermæ, minerales, sævumque illud medicamentum, humani sanguinis potus; atque etiam ejusdem balneum. Balneum aquæ dulcis præponatur. Αpage ἀντ'ἐπιληπτικά vulgo dicta.

cra-



cranium humanum, ungulam alcis, amuleta omnia. Prohibeatur vinum: Diæta sit æqualis & moderata, absque fructibus, caseo, vaporosisque quibuslibet. Recordemur τὴν σωτηρίαν ἐν μικρὰν ἐπιληψίαν.

## XVI. DE ANGINA.

**O**Mnem affectum circa cervicem cum difficultate spirandi & repentina strangulationis periculo, ob clausum laryngem, Anginam Latini, Synanchen Græci nuncupavere. Ejus sunt innumera causæ externæ prudenter antecavendæ, variisque modis sanandæ. Motus vehementior, ebrietas, potus nivis, cibi acriores, medicamenta acria, cerussa, hyosciamus, fungi, aer pestilens, aqua in iis qui submerguntur, restis in iis qui suspenduntur. Antecedentes causæ anginam potius fovēt quàm faciant, in plethoricis, cacochymis maribus, & quibus larynx debilior est. Conjuncta est intemperies quæ aliquando occurrit sine materia, ut à magna siccitate convellente musculos claudentes laryngem, sic à frigidityte eisdem resolvente: at sæpius cum materia. Hæc vel solidior est, qualis à pure ab aliquo abcessu erumpente, à cibo corrupto, per vomitum ad fauces depulso, aut vermibus à ventriculo ad fauces ascendentibus; vel humoris, quæ phlegmonem, erysypelas, &c. aut ex iis compositos tumores, anginæ differentias constituit. Synanche ea vera est quæ inflammatur larynx, musculique in eo contenti: Parasynanche ab inflammatis externis, asperam arteriam constringentibus, cujus signum est rubor & tumor. Tanto citius celebranda est venæ sectio quanto magis urget periculum, ad animi deliquium à veteribus præscripta. Illam pro necessitate iterandam cum Galeno censemus. Ex utroque brachio, vena frontis, lingua, & jugularibus, citius juvat quàm è saphæna, quæ tamen ad revulsionem interdum necessaria est, ut & hæmorrhoidum. Clysteres primo die conveniunt ad fæces educendas; altero acriores injiciendi sunt, ad naturæ cursum inferius flectendum. Purgantia initio morbi nisi male facerunt, in declinatione propinentur. Lac, ejus serum & mororum succum vix demulcendis faucibus præscribat Medicus. Scarificari tibias cucurbitulasque apponi jubent Veteres, & lavari pedes in aqua calida. Errhina aut cerata nullomodo, quidquid garriant inepti, utilia sunt. Premente periculo, ad bronchotomiam deveniendum est.

## XVII. DE PERIPNEUMONIA.

**P**eripneumonia est inflammatio pulmonis: Præcipuè ejus symptomata sunt febris acuta, spirandi suffocans & inæqualis difficultas, thoracis gravitas, & distentio dolorifica, tussis sicca, spumum



rum spumosum, genarum rubor. Ab innumeris causis externis movetur, antecedentibus excitatur & fovetur. Efficiens proxima est humor, seu simplex seu compositus, interdum intra vasa & interdum extra, naturalem substantiæ temperiem debellans & opprimens, cui sæpè succedit *διασφόρα τῆς ἐρίας*, irreparabilis scilicet pulmonis corruptela. Inflammatur essentialiter pravi humoris congestione aut fluxione; interdum per consensum capitis, ut in catarrhis; Laryngis, in angina; membranæ internæ costas succingentis, in pleuritide; hepatis lienis, ventriculi. Solvitur ad salutem maximè sputo, fluxione sanguinis ex naribus; urinis & dejectionibus, humore ad renes aut intestina depulso; aliquando etiam parotidibus. Morte terminatur, interrupta respiratione, phrenitide, convulsione atque syncope. Curativæ indicationes à causa sumantur: victus ratio sit refrigerans, à purgationibus abstinendum, nisi delinito morbi furore, neque tunc nisi levioribus uti licet: Quamprimum educendus est sanguis ex ambobus cubitis, iterandum opus quamdiu sanguis pro flamma est: Potentius succurit quàm cucurbitulæ & scarificationes, hæ tamen etiam admittendæ. Temerarii sunt qui repercutientibus utuntur. Suspectæ fidei, qui errhinis aut apophlegmatismis fidunt. Thorax illi nitur oleis camemelino, amigdalino, rutaceo, tandem irino, de costo, de euphorbio. In declinatione vehementer laudatur balneum aque dulcis tepidæ.

# CÆTERA DESIDERANTVR.



00364133